

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН

ШУӖМ

Коми Республикаса дінмуӖн веськӖдлан шӖрин йылысь положение вынсьӖдӖм йылысь

Меставывса асвеськӖдлӖм сӖмӖдан сӖветлӖн 2020 во тӖвшӖр тӖлысь 30 лунся заседаниелӖн кывкӖртӖдьяс серти Россия Федерацияса ПрезидентлӖн тшӖктӖмьяс лыддьӖгын 3 пункт, мый вынсьӖдӖма Россия Федерацияса ПрезидентӖн 2020 во рака тӖлысь 1 лунся Пр-354 №, «Россия Федерацияса субъектъясын дінмуясӖн веськӖдлан шӖриньяс лӖсьӖдӖм да налысь уджалӖмсӖ могмӖдӖм вылӖ «Диалог Регионы» йӖзкӖд йитӖдьяс кутан да коммуникацияс юкӖнын цифрӖвӖй проектъяс сӖмӖдӖм серти асшӖрлуна абу коммерческой организациялы федеральной сьӖмкудйысь субсидияс сетан правилӖяс да Россия Федерацияса субъектъясын дінмуясӖн веськӖдлан шӖриньяс лӖсьӖдан да налысь уджалан правилӖяс вынсьӖдӖм йылысь» Россия Федерацияса ВеськӖдлан котырлӖн 2020 во вӖльгым тӖлысь 16 лунся 1844 №-а шуӖм серти, Коми Республикаса дінмуӖн веськӖдлан шӖрин лӖсьӖдӖгӖн да сылӖн уджалӖгӖн ӖртасьӖм йылысь артмӖдчӖм збыльмӖдӖм серти, мый кырымалӖма Коми Республикаса ВеськӖдлан котыр да «Диалог Регионы» йӖзкӖд йитӖдьяс кутан да коммуникацияс юкӖнын цифрӖвӖй проектъяс сӖмӖдӖм серти асшӖрлуна абу коммерческой организация костын, а сӖдзжӖ Коми Республикаса дінмуӖн веськӖдлан шӖринлысь уджалӖмсӖ могмӖдӖм могысь, мый лӖсьӖдӖма Коми Республикаса ВеськӖдлан котырлӖн 2020 во моз тӖлысь 24 лунся 271-р №-а тшӖктӖмӖн, Коми Республикаса ВеськӖдлан котыр шуис:

1. ВынсьӖдны Коми Республикаса дінмуӖн веськӖдлан шӖрин йылысь положение содтӖд серти.

2. Тайӧ шуӧмыс вынсялӧ сійӧс официальнойӧ йӧзӧдан лунсянь.

Коми Республикаса Веськӧдлан котырӧн

Юрнуӧдысьӧс вежысь –

Коми Республикаса экономика сӧвмӧдан

да промышленность министр

Э. Ахмеева

Сыктывкар

2022 вося урасьӧм тӧлысь 14 лун

63 №

ВЫНСЬӨДӨМА

Коми Республикаса Веськөдлан котырлөн
2022 во урасьом төлысь 14 лунся 63 №-а шуөмөн
(содтөд)

Коми Республикаса дінмуөн веськөдлан шөрин йылысь **ПОЛОЖЕНИЕ**

1. Панас

1.1. Тайö Положениеыс урчитö Коми Республикаса дінмуөн веськөдлан шөринлысь (водзö – ДВШ) медшөр могъяссö, могъяссö да уджсö, ДВШ-лысь тэчассö, ДВШ тэчасö пырысьяслысь уджсö да кывкутана могъяссö, ДВШ-лөн удж вылö дінму мытшөдъяслысь категорияс урчитан аслыспөлöслуньяссö.

1.2. ДВШ лоö проектной офисөн, кодлысь уджсö урчитöны тайö Положениеөн.

1.3. Тайö Положениеын вöдитчан кыввежөртасьясөн вöдитчöны вежөртасьясын, кутшөмьясöс урчитöма Россия Федерацияса субъектыясын дінмуясөн веськөдлан шөриньяс лөсьöдан да налөн уджалан правилöясөн, кутшөмьясöс вынсьөдöма Россия Федерацияса Веськөдлан котырлөн 2020 во вöльгым төлысь 16 лунся 1844 №-а шуөмөн.

1.4. ДВШ-лы котыртөм боксянь отсöг, мый колö сылысь уджсö могмөдөм вылö, сетö Коми Республикаса Юралысьлөн Администрация.

ДВШ-лысь уджсö материалнöя да техника боксянь, офиснöй мебель, канцелярскöй да офиснöй вузöс, овмöс нуöдан көлуй ньöбöмсö пыртöмөн, могмөдöны Россия Федерацияса субъектыясын дінмуясөн веськөдлан шөриньяс лөсьöдөм да налысь уджалöмсö могмөдөм вылö «Диалог Регионы» йöзкөд йитөдьяс кутан да коммуникацияс юкöнын цифрöвöй проектьяс сөвмөдөм серти ашшөрлуна абу коммерческöй

организациялы федеральной сьомкудйысь субсидияс сетан правилöяслысь 4 пунктса «в» пунктс в тöд вылö босьтöмөн, кутшöмъясöс вынсьöдöма Россия Федерацияса Веськöдлан котырлөн 2020 во вöльгым тöлысь 16 лунся 1844 №-а шуöмөн.

Жыръяссö сетö, сы лыдын ДВШ-лы жыръяс видзöм серти вöдитчан рöскодсö нуö, Коми Республикаса канму эмбурөн веськöдлöм да вöдитчöм серти Коми Республикаса олöмö пöртысь власьт орган да (либö) Коми Республикаса канму учреждение, код серти Коми Республикаса индöм олöмö пöртысь власьт органыс збыльмöдö учредитысьлысь уджсö да уджмогъяссö.

2. ДВШ-лөн медшöр могъяс да могъяс

2.1. ДВШ збыльмöдö:

Россия Федерацияса гражданасянь, суйöрсайса гражданасянь да гражданствотöм йöзсянь, а сідзжö Россия Федерация мутас сайын пыр олысь Россия Федерацияса гражданасянь да кöть кутшöм котыртан-инöда формаа юридическöй кывкутысьясянь найöс канмусянь пасьяннн вылö видзöдтöг (водзö – граждана да юридическöй кывкутысьяс) став сикас шыöдчöмъяс да юөръяс мониторингтöм да обработайтöм серти уджъяс ладмöдöмсö, кутшöмъяс воёны Коми Республикаса олöмö пöртысь власьт органъясö, Коми Республикаын меставывса асвеськöдлан органъясö, сьомкудйысь öтдор мутасса канму фондъясö либö Коми Республикаса канму органъяслөн либö Коми Республикаын меставывса асвеськöдлан органъяслөн ведомствоувса организациясö, канму да муниципальной организациясö, Коми Республика мудоръясын канмулөн участвуйтöмөн да муниципальной юкөнлөн участвуйтöмөн организацияс (водзö – органъяс да организацияс), сы лыдын йитöдъяс кутан да юөръяс обработайтан федеральной, дінму, муниципальной системаясөн вöдитчöмөн, а сідзжö кутшöмъясöс граждана да юридическöй кывкутысьяс

йöзöдöны быдöнлы гөгöрвоанаöн социальной везьясын, мессенджерьясын, юөр сетан мукöд электроннöй средствоын;

социальной везьяс, мессенджерьяс да юөр сетан мукöд электроннöй средство пыр ДВШ уджлөн нырвизьяс да тематикаяс серти гражданакöд öтув уджалöм;

органьяскöд да организацияскöд öтув уджалöмөн ДВШ уджлөн нырвизьяс да тематикаяс серти öдйö реагируйтöм;

Коми Республикаöс сöвмöдöмсö мутас серти да стратегическöя планируйтöм могысь содтöд юөр сетöм.

2.2. ДВШ-лөн могьясөн лоöны:

а) шыöдчöмьяс да юөртöмьяс обработайтöмсö мониторингöм, кытчö пырöны:

гражданасянь да юридическöй кывкутысясясянь воысь шыöдчöмьяс да юөртöмьяс анализируйтöм, кутшöмьяс воисны органьяслөн да организацияслөн инпас вылö;

гражданалөн да юридическöй кывкутысясяслөн шыöдчöмьяслысь да юөртöмьяслысь сюрöссö тэчасалöм да формализуйтöм;

гражданалысь да юридическöй кывкутысясяслысь шыöдчöмьяс да юөртöмьяс, кутшöмьяс воöны индöм связь канальястi, обработайтан кадколастьяссö да ногтуйсö мониторингöм;

гражданалөн да юридическöй кывкутысясяслөн налысь шыöдчöмьяссö да юөртöмьяссö обработайтан бöртасьясөн дөвöльлун йылысь юөр чукöртöм;

гражданалысь да юридическöй кывкутысясяслысь шыöдчöмьяссö да юөртöмьяссö обработайтан бöртасьяс серти своднöй анализ;

б) мытшöдьяс серти öтувья серпас лöсьöдöм:

гражданалысь да юридическöй кывкутысясяслысь шыöдчöмьяс да юөртöмьяс анализируйтöм подув вылын, кутшöмьяс воöны органьяслөн да организацияслөн инпас вылö;

гӧлӧсуйтан да йӧзкӧд ӧтув видлалан бӧртасьяслӧн форматын йитӧд кутӧмсӧ анализируйтӧм подув вылын;

Коми Республикаса юрнуӧдысьяслы отчитайтчӧм могысь органьяслысь да организацияслысь удж мониторингӧмсӧ анализируйтӧм подув вылын;

органьяслӧн да организацияслӧн гражданакод да юридическӧй кывкутысьяскӧд йитчигӧн, социальнӧй везьясӧн, мессенджерьясӧн да юӧр сетан мукӧд электроннӧй средствоӧн вӧдитчӧмӧн йитчан канальяс котыртӧгӧн конфликтнӧй ситуацияяс да шыбӧльяс эрдӧдӧмсӧ анализируйтӧм подув вылын;

в) органьяслӧн да организацияслӧн гражданакод да юридическӧй кывкутысьяскӧд онлайн-ӧтув уджалӧм серти рекомендацяяс, лӧсялана сервисьяс дасьтӧм серти вӧзйӧмьяс артмӧдӧм, органьяслӧн да организацияслӧн удж серти веркутияс урчитӧм вылӧ рекомендацяяс лӧсьӧдӧм;

г) канму да муниципальнӧй веськӧдлӧм серти медбур практикаяс, процессьяс эрдӧдӧм да анализируйтӧм, канму да муниципальнӧй услугаяс сетан, уджьяс збыльмӧдан процессьяс бурмӧдӧм серти рекомендацяяс лӧсьӧдӧм, услугаяс сетӧм да уджьяс збыльмӧдӧм вылӧ Коми Республикаын бурмӧдӧм уджаланартьяс да технологическӧй сервисьяс да централизуйтӧм платформаяс пыртӧмсӧ координируйтӧм;

д) органьяслӧн да организацияслӧн гражданакод да юридическӧй кывкутысьяскӧд ӧтув уджалӧм дырйи аддзӧм мытшӧдьяс ӧдйӧ разьӧм вылӧ рекомендацяяс лӧсьӧдӧм;

е) органьяслӧн да организацияслӧн вӧчӧмторьясӧн гражданакод да юридическӧй кывкутысьясслӧн дӧвӧльлун серти аналитика туялӧмьяс нуӧдӧм;

ж) торья мога группаясысь гражданакод да юридическӧй кывкутысьяслы юӧртӧм могысь юӧртан материальяс дасьтӧм, сы лыдын социальнӧй везьясӧн, мессенджерьясӧн да юӧр сетан мукӧд электроннӧй

средствоён вöдитчöмөн, география серти налысь меститчöмсö да мукöд характеристикасö тöд вылö босьтöмөн, индöм материалъяс кокньöдöм торъя мога аудиториялысь да юöртан каналъяслысь аслыспöлöслунъяссö тöд вылö босьтöмөн, ДВШ-са уджлөн тематикаяс серти гражданы да юридическöй кывкутысьяслы юöртöм;

з) Коми Республикаын профильнöй специалистъяслы велöдан семинаръяс нуöдöм;

и) Коми Республика мутасын юöр сетан электроннöй средствоясын органъяслөн да организацияслөн официальной лист бокъяс (группаяс) артмöдöмсö да налысь системаяс нуöдны отсалöмсö координируйтöм;

к) органъяслөн да организацияслөн уджлысь восьсалунсö могмöдöм вылö содтöд условиеяс артмöдны отсалöм.

2.3. Ассьыс торъя могсö збыльмöдигөн да могьяссö олöмö пöртигөн ДВШ могмöдö ДВШ-са уджлөн быть колана петкöдласьясöдз воöдчöмсö, кутшöмъясöс урчитöма тайö Положениелөн 3.5 пункт серти.

3. ДВШ-лөн удж

3.1. ДВШ збыльмöдö татшöм удж:

1) Россия Федерацияса цифра отсöгөн сöвмöдан, йитöд да юöр сетан министерстволөн запрос серти сетö ДВШ лöсьöдöмкöд да сылөн уджалöмкöд йитчöм кöть кутшöм материалъяс;

2) могмöдö Коми Республикаса олöмö пöртысь власьт органъяслысь, Коми Республикаын муниципальной районьясса да кар кытшьясса муниципальной юкөнъяслөн администрацияслысь «Öтуввез» юöртан да телекоммуникация везйын йитöд кутан удж серти рейтинг нуöдöмсö;

3) отсалö лöсьöдны гражданасянь да юридическöй кывкутысьясянь шыöдчöмъяслөн да юöртöмъяслөн тематикаяс серти мытшöдьяс öдйö разьöм серти ведомствокостса да отраслевöй механизмъяс;

4) отсалö лöсьöдны ДВШ-са отраслевöй блокъяслөн тематикаяс серти гражданалөн да юридическöй кывкутысьясслөн шыödчöмъяслысь да юöртöмъяслысь медшöр помкаяс бырöдöм серти ведомствокогтса да отраслевöй механизмъяс;

5) пырöдчö Россия Федерацияса цифра отсöгөн сöвмöдан, йитöд да юөр сетан министерствоён котыртöм контрольной мероприятиясö, могмöдö пытшкöсса содтöд контроль (котыртсьö «Диалог Регионы» йöзкöд йитöдъяс кутан да коммуникацияяс юкöнын цифрöвöй проектъяс сöвмöдöм серти асшöрлуна абу коммерческöй организацияөн (водзö – Компетенцияс шöрин) ДВШ-лөн пытшкöсса удж серти, коланлун дырйи) ДВШ-лысь уджъяс збыльмöдан планъяс серти (сы лыдын уджлөн торъя тематикаяс серти);

б) вöчö мукöд удж, мый колö тайö Положение серти ДВШ-лысь уджсö могмöдöм вылö, сы лыдын збыльмöдö öткымын татшöм пытшкöсса удж:

а) могмöдö ДВШ-лысь кадрöвöй состав комплектуйтöмсö сэтшöм тшупöдын, мыйта колö тайö Положение серти ДВШ-лысь могъяссö да уджсö вöчöм вылö;

б) донъялö ДВШ-лөн отраслевöй тематикаяс вöсна кывкутысьясслөн удж серти быть колана петкöдласьяссö, йитö да прöверитö донъялан кывкöртöдъяс серти мыччöдъяссö;

в) Компетенцияс шöринлөн запрос серти дасьтö ДВШ-лысь уджъяс збыльмöдöм серти планъяс збыльмöдöм йылысь аналитическöй да мукöд материал (сы лыдын уджлөн торъя тематикаяс серти);

г) прöверитö да йитö ДВШ-са уджлөн нырвизьяс да тематикаяс серти мероприятияс збыльмöдöм йылысь юöрсö.

3.2. ДВШ лöсьöдигөн да сылөн уджалигөн дасьтöм юöрсö да документъяссö артмöдöны, сöгласуйтöны (ошкöны), вынсьöдöны да сетöны федеральной юöртан системаөн вöдитчöмөн, мый веськöдöма Россия Федерацияса субъектъясын динмуясөн веськöдан шöринъяс

лөсьөдөм вылө (водзө – Портал), мыйон вөдитчыны позянлунсө сетө Компетенцияс шөрин.

3.3. Порталө пыртан юөрсө өткодялөны официальной писъмөкөд/отчөткөд, кутшөмөс ыстөма Ведомствокостса электроннөя йитчан системалөн каналъясті.

3.4. ДВШ-лөн уджлы дінмуса мытшөдъяслөн категорияслысь сюрөссө төдмалөм могысь юөрсө артмөдөны тайө Положениелөн 5 юкөд серти «ВІ: Россия Федерацияса ДВШ» веськөдлан помшүөмъяс примитөм серти отсалөм вылө юөртан да аналитическөй системалөн (водзө - «ВІ: РФ ДВШ» ЮАС) мыччөдъяс подув вылын.

3.5. ДВШ-са уджлысь быть колана петкөдласъяссө урчитөны Россия Федерацияса субъектыасын дінмуясөн веськөдлан шөриньяс лөсьөдөм да налөн уджалөм серти методика боксянь рекомендацияс серти, кутшөмъясөс вынсьөдөма Россия Федерацияса цифра отсөгөн сөвмөдан, йитөд да юөр сетан министерствоөн.

4. ДВШ-лөн тэчас, ДВШ-лөн тэчасын участвуйтысьяслөн удж да кывкутана могъяс

4.1. ДВШ-лөн тэчасө пырөны татшөм участвуйтысьяс:

- 1) ДВШ-са куратор;
- 2) ДВШ лөсьөдөм да сылөн уджалөм серти кывкутөмөн збыльмөдысь;
- 3) Тематикаяс серти отраслевөй блокъяс вөсна кывкутысьяс;
- 4) Масс-медиакөд удж вөсна кывкутысь;
- 5) Тематикаяс серти ДВШ-са отраслевөй блокъясөн юрнуөдысьяс;
- 6) ДВШ-өн юрнуөдысь;
- 7) ДВШ-лөн нырвизьясөн юрнуөдысьяс.

4.2. ДВШ-өн юрнуөдысь да ДВШ-лөн нырвизьясөн юрнуөдысьяс артмөдөны Компетенцияс шөринлысь торйөдөм юкөдув.

4.3. ДВШ-са кураторён лоё Коми Республикаса Вёськөдлан котырён Юрнуодысьёс вежысь, коді кывкутана могъяс юклөм серти ладмөдö Коми Республикаын пытшкөсса канму политика збыльмөдан юалөмъяс серти Коми Республикаса олөмө пöртысь власьт органъяслысь уджсö.

4.4. ДВШ-са куратор:

1) ачыс кывкутö ДВШ лөсьöдөм да сылөн уджалөм вöсна, ДВШ-лөн уджын быть петкөдласьясöдз воөдчөм вöсна;

2) котыртö нормативнöй инöда актъяс дасьтөмсö да вынсьöдөмсö, кутшөмъяс колöны ДВШ-лысь удж котыртөм, ДВШ водзын сулалысь могъяс олөмө пöртөм вылö;

3) вынсьöдö содтöд петкөдласьяс, кутшөмъясöдз планируйтöма воөдчыны ДВШ-лөн удж серти;

4) кывкутö ДВШ-лөн Россия Федерацияса цифра отсөгөн сөвмөдан, йитöд да юөр сетан министерствокöд öтув уджалөмсö котыртөм вöсна;

5) ладмөдö органъяслысь да организацияслысь öтув уджалөмсö ДВШ-лөн компетенцияс серти;

6) вынсьöдö ДВШ-са уджлөн тематикаяс серти планъяс збыльмөдөм серти уджалан да экспертнöй группаясö пырысьясöс;

7) вынсьöдö ДВШ-са уджлөн отраслевöй тематикаяс серти планъяс да ДВШ-са уджлөн тематикаяс серти своднöй планъяс;

8) вынсьöдö ДВШ-са уджлөн отраслевöй тематикаяс серти планъяс збыльмөдөм йылысь отчөтъяс да ДВШ-са уджлөн тематикаяс серти своднöй планъяс збыльмөдөм йылысь отчөтъяс.

4.5. ДВШ лөсьöдөм да сылөн уджалөм серти кывкутөмөн збыльмөдысьөн лоё Коми Республикаса Юралысьлөн Администрацияөн Юрнуодысь.

4.6. ДВШ лөсьöдөм да сылөн уджалөм серти кывкутөмөн збыльмөдысь:

1) ачыс кывкутö ДВШ лөсьöдөм да сылысь удж могмөдөм серти туй карталысь мероприятиеяс збыльмөдөм вöсна (водзö – Туй карта);

2) сӧгласуйтӧ Туй картасӧ Компетенцияс шӧринкӧд;

3) кывкутӧ ДВШ-лысь уджсӧ дӧнмуса проектяслӧн положениеяскӧд, кутшӧмъясӧс збыльмӧдӧны Коми Республика мутасын Россия Федерацияса национальной уджтасьяс да проектяс серти «2024 воӧдз период вылӧ Россия Федерацияӧс сӧвмӧдӧмын национальной медшӧр могьяс да стратегической могьяс йылысь» Россия Федерацияса Президентлысь 2018 во ода-кора тӧлысь 7 лунся 204 №-а Индӧд збыльмӧдӧм могысь, а сӧдзжӧ Коми Республикаын збыльмӧдан «Вежӧра кар» верктуя проектлӧн положениеяскӧд синхронизируйтӧм вӧсна;

4) коланлун дырйи корӧ уджавны ДВШ-ӧ Коми Республикаса колана олӧмӧ пӧртысь власьт органьясӧс да Коми Республикаын меставывса асвеськӧдлан органьясӧс, а сӧдзжӧ мукӧд организацияӧс петкӧдлысьясӧс.

4.7. Тематикаяс серти отраслевой блокьяс вӧсна кывкутысьясӧс индӧны Коми Республикаса олӧмӧ пӧртысь власьт органьясӧн юрнуӧдысьяс/юрнуӧдысьясӧс вежысьяс лыдысь татшӧм нырвизьяс серти: оланӧн да коммунальной овмӧс, чорыд коммунальной шыбласьяс, энергетика, велӧдӧм, йӧзлысь дзоньвидзалун видзӧм, туйяс, транспорт, социальная дорйӧм, ичӧт да шӧр предпринимательство.

4.8. Тематикаяс серти отраслевой блокьяс вӧсна кывкутысьяс:

1) асьныс кывкутӧны отраслевой тематика юкӧнын уджалан нырвизьяс серти уджлӧн быть колана петкӧдласьясӧдз воӧдчӧм вӧсна;

2) котыртӧны курируйтан отраслевой блоклысь уджсӧ;

3) петкӧдлӧны курируйтан отраслевой блоксӧ ДВШ-ын (быд отраслевой блок серти командировкаӧ ыстӧм уджалысьяслысь лыдсӧ урчитӧны шыӧдчӧмъяслӧн лыд вылӧ мыджсьӧмӧн);

4) могмӧдӧны курируйтан отраслевой блокьяс юкӧнын ДВШ-лысь могьяс збыльмӧдӧмсӧ;

5) синхронизируйтӧны ДВШ-са курируйтан отраслевой блокьяслысь уджсӧ Коми Республикаын экономика да социальной юкӧнлӧн верктуя отрасляс цифровизируйтӧм серти мероприятиеяскӧд, сы лыдын Коми

Республика мутасын «Россия Федерацияса цифрöвöй экономика» национальной уджтаслысь дінму проектяс тöд вылö босьтöмөн;

6) лöсьöдöны ДВШ-са уджлөн курируйтан тематикаяс серти планьяс;

7) дасьтöны ДВШ-са уджлөн курируйтан тематикаяс серти планьяс збыльмöдöм йылысь отчётьяс;

8) сетöны ДВШ лöсьöдöм да сылөн ужалöм серти кывкутöмөн збыльмöдысьлы ДВШ-са уджлөн курируйтан тематикаяс серти планьяс збыльмöдöм серти уджалан да экспертной группаясö пырысьяс серти вöзйöмьяс;

9) лöсьöдöны гражданасянь да юридическöй кывкутысьясянь шыöдчöмьяслөн да юöртöмьяслөн тематикаяс серти мытшöдьяс öдйö разян ведомствокостса да отраслевöй механизмьяс;

10) лöсьöдöны ДВШ-са отраслевöй блокьяслөн тематикаяс серти гражданасянь да юридическöй кывкутысьясянь шыöдчöмьяслысь да юöртöмьяслысь медшöр помкаяс бырöдöм серти ведомствокостса да отраслевöй механизмьяс (медшöр помкаяс бырöдöм серти мероприятиеяслысь планьяс).

4.9. Масс-медиакöд удж вöсна кывкутысьöс индö ДВШ лöсьöдöм да сылөн уджалöм серти кывкутöмөн збыльмöдысь Коми Республикаса Юралыслөн Администрацияса чина йöз лыдысь.

4.10. Масс-медиакöд удж вöсна кывкутысь кывкутö ДВШ-лөн йöзöс юöртан дінмуса средствояскöд öтув уджалöмсö мөгмöдöм вöсна, а сіджö ДВШ-лөн уджалöм могысь социальной везьясөн, мессенджерьясөн, юөр сетан мукöд электроннöй средствоясөн вöдитчöм вöсна.

4.11. Тематикаяс серти ДВШ-лөн отраслевöй блокьясөн юрнуöдысьясöс индöны Коми Республикаса олöмö пöртысь власьт органьясын (либö налөн ведомствоувса учреждениеясын) уджалысьяс лыдысь татшöм нырвизьяс серти: оланін да коммунальнöй овмös, чорыд коммунальнöй шыбласьяс, энергетика, велöдöм, йöзлысь дзоньвидзалун

видзём, туйяс, транспорт, социальнӧя дорйӧм, ичӧт да шӧр предпринимательство.

4.12. Тематикаяс серти ДВШ-лӧн отраслевӧй блокьясӧн юрнуӧдысьяс пӧртӧны олӧмӧ могьяс, кутшӧмьясӧс босьтӧны Тематикаяс серти лӧсялана отраслевӧй блокьяс вӧсна кывкутысьяслысь Тематикаяс серти отраслевӧй блокьяс вӧсна кывкутысьяслысь уджьяс да уджмогьяс збыльмӧдӧм серти.

4.13. Компетенцияяс шӧринлӧн торйӧдӧм юкӧдув збыльмӧдӧ татшӧм удж:

1) йӧзкӧд йитӧд кутӧм:

отраслевӧй органьяслӧн да организацияслӧн инпас вылӧ гражданалысь да юридическӧй кывкутысьяслысь шыӧдчӧмьяс, юӧртӧмьяс обработайтан процессьяс трансформируйтӧм;

отраслевӧй органьяслӧн да организацияслӧн инпас вылӧ гражданасянь да юридическӧй кывкутысьяссянь шыӧдчӧмьяс, юӧртӧмьяс вылӧ вочакывьяс дасьтан пӧрадок бурмӧдӧм серти методика боксянь рекомендаціяяс дасьтӧм;

стӧчмӧдан да ӧлӧдан мероприятиеяс серти помшуйӧмьяс примитӧм могысь ӧнӧя да лоны вермана мытшӧдьяслысь помкаяс урчитӧм да туялӧм;

2) велӧдӧм:

ДВШ-лӧн компетенцияяс серти органьясса да организацияса уджалысьясӧс, ДВШ-са уджалысьясӧс велӧдӧм да налысь тӧдӧмлун кыпӧдӧм;

3) социология:

социология боксянь туялӧмьяс нуӧдӧм;

фокус-группаяс нуӧдӧм;

4) юӧртӧм:

«Ӧтуввез» юӧртан да телекоммуникация везйын Россия Федерацияын федеральнӧй да дӧнму власьт органьяслӧн удж, социальнӧй

да экономика боксянь, өтйөза да политической процессьяс йылысь юөртөм;

ДВШ-са уджлөн тематикаяс серти гражданаөс да юридической кывкутысьясөс адреснөя юөртөмсө могмөдөм социальной везьясөн, мессенджерьясөн да юөр сетан мукөд электроннөй средствоясөн вөдитчөмөн, кодьяслөн эм позянлун вөдитчыны йөзкөд йитөд кутан платформаөн;

социальной везьясын юөртөмөн төдчана могьяс решитөм могысь органьяслөн да организацияслөн гражданакод да юридической кывкутысьяскөд интерактивнөя өтув уджалөмсө могмөдөм;

Коми Республикаөс сөвмөдан юалөмьяс серти помшүөмьяс збыльмөдөм йылысь юөрөн могмөдөм, кутшөмьясөс примитисны йөзкөд йитөд кутан платформа пыр гражданаөс кыскөмөн, социальной везьясөн, мессенджерьясөн да юөр сетан мукөд электроннөй средствоясөн вөдитчөмөн;

органьяслөн да организацияслөн восьсалун вылө содтөд условияс лөсьөдны отсалөм, сы лыдын «Канму да муниципальной услугаяслөн (уджьяслөн) өтувья портал» федеральной канму юөртан система подув вылын технической помшүөмьясөн вөдитчөмөн;

5) процессьяс да методология:

отраслевөй органьяслөн да организацияслөн инпас вылө гражданасянь да юридической кывкутысьясянь шыөдчөмьяс да юөртөмьяс обработайтан пөрадок трансформируйтөмын отсалөм;

отраслевөй органьяслөн да организацияслөн инпас вылө гражданасянь да юридической кывкутысьясянь мөдысь воөм шыөдчөмьяслысь, юөртөмьяслысь помкаяс бырөдөмын да найөс өлөдөмын отсалөм;

отраслевөй органьяслөн да организацияслөн инпас вылө гражданасянь да юридической кывкутысьясянь шыөдчөмьяс, юөртөмьяс

обработайтём вылө ДВШ-лөн отраслевй блокьясын юёртан системаясөн, торья уджтасуловөн вөдитчөм;

б) мониторинг, аналитика да реагируйтём.

4.14. ДВШ-өн юрнуөдысь лоө Компетенцияс шөринлөн торья юкөдулөн юрнуөдысьөн.

4.15. ДВШ-өн юрнуөдысь :

- 1) веськыда юрнуөдө ДВШ-лөн операционной уджөн;
- 2) могмөдө ДВШ-лысь быдлунья уджсө;
- 3) кывкутө Компетенцияс шөринса торйөдөм юкөдувлөн уджын быть колана петкөдласьясөдз воөдчөм вөсна;
- 4) нуөдө ДВШ-са уджлөн тематикаяс серти планьяс збыльмөдан анализ, а сідзжө сетө найөс збыльмөдөм йылысь отчөт;
- 5) дасьтө ДВШ-са уджлөн тематикаяс серти сводной планьяс;
- 6) сөгласуйтсө ДВШ-лөн отраслевй тематикаяс серти план балаяс;
- 7) сөгласуйтө ДВШ-лөн уджьяс да тематикаяс серти планьяс збыльмөдөм йылысь отчөтьяс;
- 8) могмөдө ДВШ-са уджьяс да уджалан тематикаяс серти сквозной мониторинг да планьяслөн рискьяс серти анализ, вөзйө видлавны юалөмьяс, кутшөмьясөс серти колөны ДВШ-са Кураторлөн помшүөмьяс;
- 9) быд во выльмөдө Туй карта;
- 10) отсалө методика боксянь ДВШ-лөн уджлы ДВШ водзын сувтөдөм могьяс серти.

4.16. ДВШ-са нырвизьясөн юрнуөдысьяс лоөны Компетенцияс шөринлөн торйөдөм юкөдувса уджалысьясөн.

4.17. ДВШ-са нырвизьясөн юрнуөдысьяс пөртөны олөмө могьяс, кутшөмьясөс босьтөны ДВШ-өн юрнуөдысьянь ДВШ-өн юрнуөдысьлысь уджьяс да уджмогьяс збыльмөдөм серти.

5. ДВШ-лөн уджалөм вылө дінму мытшөдьяслысь лыддьөг
да категорияяс урчитөм

5.1. ДВШ-лөн уджалом вылө дінму мытшөдьяслысь лыддьөгсө лосьөдөны теплөвөй карталөн мыччөдьяс подув вылын.

5.2. ДВШ-лөн уджалом вылө дінму мытшөдьяслысь категорияссө урчитөны быд отраслевөй тематика серти куимысь оз этшаджык.

5.3. Сэк, кор «ВІ: РФ ДВШ» ЮАС-лөн мыччөдьяс серти медтөдчанаөн лоө «нырвизь серти мукөд» категория, вөчөны стөч мытшөдьяс серти декомпозиция да урчитөны на пиысь медколанаяссө.

5.4. Дінму мытшөдьяслөн быд категория серти пөртөны олөмө торья мога петкөдласьяс.

5.5. ДВШ-са кураторлөн помшүөм серти урчитөма содтөд петкөдласьяс, кутшөмьясөдз планируйтөма воөдчыны ДВШ-лөн удж серти:

1) ДВШ-са уджлысь содтөд петкөдласьяссө планируйтөны быд во серти 2021 – 2024 воясья периодө;

2) быд петкөдлас серти вайөдөны воөдчан кадколаст, ногтуй, лыд серти да мукөд характеристика, мыйта колө, медым өти ногөн урчитны петкөдласлөн торья мога вежөртасөдз воөдчөмсө;

3) петкөдласьяс лосьөдігөн йитөны содтөд петкөдласьяслысь характеристикаяссө да наөдз воөдчан кадколастьяссө ДВШ-са уджлөн характеристикаяскөд да медшөр петкөдласьясөдз воөдчан кадколастьяскөд.